

民兵志

附屯田



自弧矢作而兵以興聖王非樂用之勢有必趨莫得而廢也故常糜國家百年之養以待一日之效而未嘗有所惜第重乎其事者務致其實敬戒修戎嚴翼共武是必有出而任之者若其翱翔境上爰處爰居迨濡而戒禡無乃後歟古無所爲兵也民焉而已二之日其同載纘武功蓋卽此于耜南畝之衆也寄振旅大閱於蒐苗獮狩中而恬然爲民者亦隱然有兵及井田廢兵法壞漢初設南北軍在郡國則有待戰及戍邊者而法以番上兵猶是農焉至武

連江縣志

卷之三

民兵

一

帝增置八校軍於是始有常屯矣唐末募壯士號長從復更爲曠騎而兵與農遂分矣明興立民兵萬戶府簡強壯之夫編爲伍而訓練之有事則用以戰事平則還爲民使御之有術教之有方宜資以靖亂無不足顧狃於承平軍政日窳烽烟告警始於所在召募以救禍於一時烏在而得其用乎是後常集民壯官給鞍馬器械復其本戶丁糧名曰機兵以四季習操演以軍法禁私役連江額設二百四十名迨正德時取工食於田賦役者官給僱直歲七兩四錢凡守關隘追盜賊巡捕官督之蓋宋初鄉兵意也嘉

靖三十七年倭入寇巡撫以軍籍不足就中選爲標兵隸於麾下月增直一兩萬曆五年巡撫龐尚鵬始減增直汰九十三名存一百四十七名後又裁爲一百二十名視原額去其半明時在連之民兵如此然皆募之民間而以民養之與夫始之農可爲兵兵亦爲農蓋邈殊焉外此有弓兵則宋初廂兵意也連江濱海於省會爲門庭宋設弓手營壯丁一百三十六名手力四十一名弓力五十二名秋冬閱武於水南較場又設荻蘆寨舟兵五百名以都巡檢統之設南塩寨土兵一百名教習水戰元朝因之又設弓

連江縣志

卷之十三

民兵

二

兵三十名以達魯花赤一員統之設名聞等鄉弓兵一百名寧善等鄉弓兵一百名各以巡檢統之此弓兵所自始明初爲小亭游寨設旂兵斗手共一千六十四名前後左右官四員遠哨探總一員捕盜四十二名舵工七十二名隊長三十二名每月約支銀一千二十八兩二號福船一隻三號洋東船三十六隻鳥船十隻以欽依把總統之每年春冬二汛春汛起三月十五日至六月十五日止防東南風爲大汛冬汛起九月十五日至十一月十五日止防東北風爲小汛巡撫調福州左衛官一十一員領旗軍一

千三百八十九名調鎮東衛梅花萬安二所官一十七員
領旗軍二千五百四十二名調福寧衛定海所官四員領
旗軍四百名押送赴寨勻配各船分爲五哨貼駕出洋前
哨分汎北菱之西洋山後哨分汎竿塘之白犬山左哨分
汎竿塘之下目山右哨分汎上下竿塘山遠哨分汎東湧
山又北與福寧之烽火寨會南與興化之南日寨會至萬
曆間減戍軍止撥梅花萬石二所征操隊軍六百名赴寨
貼駕北會哨礮山遊南會哨海壇汎滿撤防新標水福兵
一千名船二十四隻萬曆四十七年設遊擊一員總領三

連江縣志

卷之三

民兵

三

路所軍寨遊兵諸汎守事駐定海撫標紅廠營兵一百二
十名哨官一員統之萬曆間設當日防海之策至周密也
其弓兵則設於蛤沙巡檢者一百名設於北菱巡檢者一

百二十名

按福州屬縣巡檢凡九其地皆係沿海要害閩縣二一閩安鎮一五虎門長樂三一松下一焦

山一小社福清三一壁頭一牛頭一澤朗互相應援平居則巡緝奸宄會哨則催督官軍職任甚重但九司弓兵則六十七十一百不等獨北菱一百二十名以視他地爲尤要也所設弓兵附近海墘募充每名銀七兩二錢其法以田賦定差役而民間私僱實倍之至嘉靖三十七年倭賊入寇弓兵盡屬邑內市民聞警逃散不堪用巡撫議減其數竝裁其直每司弓兵止留一十六名給銀五兩六分二釐五毫而徵其餘充餉順治十四年奉文裁半每名給銀二兩五錢三分一釐二毫五絲弓兵
既非舊制而巡檢雖設無所用矣
又有所謂鋪司兵者

其初制則每十里置兵或四名或三名地相去不遠又以土著充之耳目甚習以之巡緝奸宄捕獲小盜使鄉曲無賴之徒有所憚而不敢逞此亦可藉以為用者後乃漸不為兵僅以供傳遞送迎之役殊非前人立法之初心矣國朝專置防兵而制為詳備其初分兵駐防或以督標或以提標或以城守營或統連羅為一營至順治八年為奉旨會閱沿海等事連江始有專營之設額兵一千名初則馬二步八繼則馬一步九後定戰馬五十四各官坐馬二十四匹一千之內半為戰兵半為守兵續調赴臺灣將軍

連江縣志

卷之十三

民兵

四

標銅山長福屏南等營分防實存七百五十二名復馬一步九之制官馬七十五匹馬戰兵七十五名每月給銀二兩米三斗馬

每四月給料銀一兩步戰兵二百七十八名每月給銀一兩五錢米三斗步守兵

三百九十九名每月給銀一兩米三斗各官自備坐馬二十二匹統

以遊擊一員月支俸一十七兩五錢五分八釐中軍守備一

員駐劄東岱月支俸七兩五錢五分八釐千總二員縣城

洩門二汛互調分防月支俸各四兩坐馬各二匹把總四員東

岱馬鼻小亭北菱四汛互調分防內一員雍正十一年復設月支俸各三兩坐馬

各二匹草乾銀各二兩 雍正五年奉文設立經制外委千總二員外

委把總四員

馬匹餉銀即在馬戰兵之內

十三年奉文復設火器外委

把總四員

餉銀即在戰兵之內

皆以貼防各汛而各以額設之兵各

汛分防

縣城汛兵二百名大路汛羅崙潘渡巖角茶亭陀市周溪朱翁丹陽龍門朱灣山岡東湖等塘共兵

六十五名安定七塘共兵三十三名東岱堡兼轄浦口寨館頭嶺百勝小塢長沙大塢幕浦松塢館頭渡下塘寨等

塘共兵二百三名北茭兼轄苔綠奇達黃岐赤財後灣大

泔小泔小邦等塘共兵六十三名小亭汛兼轄安海官塢蛤沙中麻東坪官嶺等塘共兵八十五名馬滸堡兼轄拱

頭透街墟頭麻阪洪下嶺口東山等塘共兵五十八名考門汛共兵四十五名

器械則貯之軍器庫火藥則藏之火藥庫遞年

赴省支領以備不虞大小紅衣等炮二十位安頓各有其所馬渡七隻應接往來馬兵雖舊設而今廢其制亦不可

連江縣志

卷之三

民兵

五

遺 長二丈五尺濶八尺在安利橋二在東岱二在浦口二在東山一

至於機兵則順治五

年已裁明制之一百二十名為五十名而康熙十七年盡

革以其食充軍需雍正三年復五十名九年奉撥應役海

防廳十六名候官縣典史六名古田縣典史四名本縣典

史四名十三年又裁扣批解改養餘兵本縣但存二十名

而已此兵制之大畧也地之有防所謂王公設險以守者

在是昔在洪武時遣東甌王湯和由海道取閩歷縣南荻

蘆港入深審其要自是而海防特嚴星羅棋錯有相為犄

角之勢已而置不為備倭以內訌巡撫譚綸叅將戚繼光

始於諸要害故址添設遊寨舊規漸復今得一一指之曰

小亭水寨

明景泰間設至成化末廢嘉靖四十二年譚巡撫復設定海汎地為春秋會哨法以防倭按

水寨自洪武初命江夏侯周德興經畧海徼設衛所巡檢司數十處以防倭之內侵又設外洋水寨初惟福寧之烽

火門興化之南日山泉州之浯嶼至景泰間增置小亭并漳州之銅山共為五寨隆慶初又設福清之海壇泉州之

浯銅二遊萬曆初又設漳州之南灣福寧之嶽山興化之湄州三遊二十四年又設福州北洋之礪山福寧北洋之

臺山泉之澎湖漳之懸鐘四遊是為五寨七遊萬曆三十年又設五虎遊四十七年又設定海水標三路總遊崇禎

間又設東岐遊各分汎地嚴會哨賊寡則各自為戰賊眾則合力以攻春秋二汎必駕樓船以遊海外蓋倭自日本

開船必由薩摩州或由五島至大小琉球視北風多則犯廣東東風多則犯浙江東北風多則犯福建其來多自清

明之候以其多東北風也過五月則風自南來故春汎有其期重陽亦有東北風過十月則風自北至故冬汎亦有

連江縣志

卷之十三

民兵

六

定期防備周密皆得禦倭至計而又遊兵四布不時巡哨海洋小醜亦無從竊發焉順治十八年調移今復

定海遊

元設亭角嶼巡檢司洪武二十年改設定海守禦千戶所官軍隸福寧州衛順治十八年調移今復

曰北菱堡

明洪武二十年移荻蘆巡檢司於此按本堡水礁長橫三面控海民皆習水性亦強悍前後賊

船經此多為擒獲賊畏之如虎計福郡水洋南至福清江口北至福寧沙埕共一千七百里有奇而稱海濱天塹者

長樂南菱福寧沙埕連江北菱耳前朝於此設堡曰小東設鎮是亦扼要之碩畫歟順治十八年調移今復

門銃城

海寇入縣皆由東方而進外有曰橋尾寨銃城康熙

丁巳年海寇掠水南境中曰東岱堡銃城按堡形如倚鏡軍守備鄭興禦寇於此

喉明崇禎壬申年知縣于可舉造北門銃城順治間移北菱巡檢司於此雍正八年復移守備鎮之設哨船稽查出

入防患曰奇達堡銃城堡為外洋入濂嶼門咽喉崇禎壬特嚴申年郡紳董應舉造以扼海寇入

境之要順治十年曰急水雙龜銃城在新安里桃源山為閩安鎮咽喉崇禎間董應

八年調移今復舉造以扼要今廢曰幕浦堡在縣東曰透堡元設寧善鄉巡檢於此巡哨濂塿下宮諸

處順治十八年調移今復曰馬鼻堡堡依海岸賊船由濂塿入者必泊於此順治十八年調移今復曰

洩門汛與濂塿對峙為海船出入之所雍正八年建造曰

荻蘆寨宋設都巡檢於寨洋元因之曰南灣寨在北芩之北西

宋設後移置羅源縣及海運不行遂廢曰埠寨在上竿塘山洪武二十年以海島難援移入北芩正統間

廢曰北營寨在安德里北營嘉靖四十二年叅將戚繼光破倭於馬鼻設寨於此以備濂塿海寇後廢

較場遺址尚存順治十八年調移今復曰三沙鎮在永貴里宋設元明因之以詰諸船隻入港者後廢

曰峽口鎮在二十九都宋設元明因之以詰入港之船今廢曰蛤沙城在二十八都凡海船

連江縣志

卷之三

民兵

七

入縣必由之路明洪武二十年移亭角巡檢司於此以防海寇入港後廢順治十八年調移今復皆其險

而可憑者也末造失守譬若重門洞開使出入縱橫無所

顧忌及

國初丁亥丙申二變十年間連城兩陷向令寨遊之制猶

嚴彼小醜能揚帆飛渡乎其設防於山者曰小嶺寨在安

北至羅源縣界元設舊有聶洋寨後俱廢按向來山寇皆由溫處而來招集壽寧古田寧德福安無賴剽掠鄉村元

至正間賊王善前後兩入縣明正統間賊鄧茂七亦入縣者二至嘉靖十九年庚子五月賊又入縣道皆由此此寨

實堵禦要地嘉靖二十年復設今廢曰朱公寨在仁賢里朱公橋頭元設名聞鄉等處巡檢於此接應小

嶺寨以備山寇後廢嘉靖二十年復設今廢曰把截寨在光臨里安利橋頭曰

湯嶺鎮

在光臨里宋設元明因之今廢

曰雲嶺關

在光臨里為舊湯嶺鎮嘉靖二十年設盤詰往

來防備截劫與閩縣界今廢

曰敷化關

在中鵠里嘉靖二十年設與羅源界今廢

古人既因

地以制宜後人即按圖而議守控扼之方亦在賢將帥耳

昔萬安一砦以婦女鳴金搥鼓賊為氣奪至全活鄉里數

萬而有餘况夫屯兵置戍者哉順治間調移附海於內地

畫界備禦以駐防兵更番迭守則有新設之臺寨曰連江

嶺尖寨

在新安里赤砂嶺頭

曰洲嶺寨

在永貴里周嶺山頭

曰東岱烟墩臺曰

南峯嶺臺

在二十八都

曰透嶺尖臺曰真如嶺臺

在保安里

曰高洋

臺

在建興里

曰浦口寨

在二十九都

至康熙八年展界復分遣駐防

連江縣志

卷之三

民兵

八

兵據要地而守之以遮海寇之登岸防奸民之透越其臺

寨又有新設者曰馬門嶺臺曰定安臺曰長沙臺曰大塩

臺

俱在安慶里

曰小塩山嘴臺曰東岱臺

在永貴大塗原三沙鎮故地

曰松

塩臺

在二十九都與東岱臺對峙

曰腰嶺臺

在二十九都南峯嶺尖此臺南望梅花五虎東望定

海小亭北望濂塩門馬漚及羅源港諸處地勢最為高峭

曰白鶴臺曰網邊臺

俱在集政上里

曰壚頭臺

在安德里

曰馬漚臺曰嶺口臺曰浮曦臺曰東山臺

自嶺口下俱建興里北與羅源界

曰下塘寨

在新安里與閩縣界

曰麻阪臺

在集政里

大塩嶺小寨邇來浪靜波恬海塩盡復臺寨之地猶存而

兵不復置矣及今而設重鎮為之分兵汛守十里一塘聚

兵有屋所以制臺寨之疎而嚴疆圉之衛也其西通於閩

縣者曰羅崙塘

按此地去縣將二十里聲息頗不相聞於制似疎曠

曰潘渡塘曰楓

坪塘

地極險僻寇掠時有此處設塘尤要今廢

曰巖角塘曰茶亭塘

舊名湯嶺塘

其

由西北通於羅源并治北會於丹陽者曰陀市塘曰周溪

塘曰朱公塘曰丹陽塘曰龍門橋塘

此地兩山相次草寇竊發之處明季單縣

丞禦賊死於此

曰東湖塘曰山岡塘曰朱灣塘是十三塘者層岡

複嶺箐林蒙密民居或近或遠而省會所經又為浙閩衝

要之地行道為之戒心宜乎其必備也其由東而通於海

者為海汎曰幕浦塘

舊設官巷

曰浦口塘曰松塢塘曰百勝塘

連江縣志

卷之三

民兵

九

曰小塢塘曰大塢塘曰長沙塘曰東岱塘由治南通於閩

縣而并轄於東岱總塘者曰館頭嶺塘曰下塘寨塘曰館

頭塘為小亭塘所轄者曰官嶺塘曰東坪塘曰中麻塘曰

蛤沙塘曰官塢塘曰安海塘為北茭塘所轄者曰大汴塘

曰小邦塘曰後灣塘曰赤財塘曰黃岐塘曰苔綠塘曰奇

達塘至於定海設營汎守則閩安水師轄之由東北通於

羅源之濂塢門者曰透街塘曰馬鼻塘曰拱頭塘曰壚頭

塘曰麻阪塘曰洪下塘曰嶺口塘曰東山塘曰洩門塘此

則遙通巨浸出沒慮其叵測酌舊規而分布之洵可為法

之密者歟康熙五十八年草寇薛彥文嘯聚五縣寨地接連安定仁賢諸里恐無兵而西北受其毒於是復有新設之塘曰大溪東塘曰蓼沿塘曰甯邊塘曰瀾水塘曰中蓬塘曰小滄塘曰坡西塘曰仁山塘夫水師弛而後海寇興海寇興而山寇卽與爲表裏我

朝之法制謹嚴武備咸飭萬里金湯屹如也曠如也自今以往其永奠我南服乎惟是有治法必有治人幾爭於所忽覺弭於未萌斯智無從以抵隙而勇不得以攻堅世之所以久安而長治者此也

附陳潤論畧云前朝兵制立沿海寨遊最爲扼要先是倭氛之

連江縣志

卷之十三

民兵

十

熾浙江福建廣東諸省悉遭荼毒自寨遊兵設途屏跡焉不惟福省無虞東南皆安枕矣今沿海爲重鎮置專營較前朝之制尤爲周密所慮時平日久或當兵衆餉匱勢有以撤兵請者不知他省之兵可撤而閩省之兵必不可撤蓋閩桀驁之患旣生於海島鴟張之變又慮及外番順風揚帆倏往倏來制防不得一日弛者也且一方有事延及數省寧堪度外置乎書曰惟事事乃其有備詩曰用戒戎作用邊蠻方古人綢繆桑土之計恆在未雨之時謹守常制歲於春秋二汛嚴會哨之法駕船海外窮搜諸島兵威旣振卽內地奸徒亦潛消其不軌矣此以爲連計并爲福郡計爲閩省計亦爲天下計可也

因兵而制爲

屯田以足其食連於洪武時始有之考屯田之法始於漢文之募耕塞下其後武帝行之於車師渠犂而趙充國大興其利於金城大抵皆以屯兵得名如張掖有屯臨羌有

屯許下陳蔡有屯其屯皆以兵也連在五代以前屯之有無莫考宋時惟河北屯田有兵江以南所名屯田特因五代舊名非實有屯者連亦可知已至洪武間於連置衛初爲屯種度閒曠之地每軍予田三十畝或二十四畝二十六畝歲輸正糧一十二石給本軍月餼餘糧一十二石給守城軍士後罷其正糧不復徵餘糧又僅徵其半復計其田之腴瘠分爲本折色本色爲存留輓粟入倉軍士之月餼待給於是折色爲起運以備軍興及解京之雜需而折色中又分爲舊額新增而稍差等之在洪武時軍稱舊屯

連江縣志

卷之三

民兵

七

計折色米二千三百四十九石在永樂時軍稱新屯計新增米三百二十八石二勺原其初制蓋欲兵各自爲食可無爲民累而有田自種得所養而力且有餘及其後軍餘半居市廛不能親操耒耜乃有寄佃於他人而分其粒者有私易於他姓而更其名者又有丁盡籍亡而轉爲別軍所承頂者有舉數十屯而悉兼并於豪右者有屯田之名無屯田之實而屯政不可問矣軍尚足爲用乎謂宜於均田之會仍取其舊地給兵以古三分操守七分屯種之法令番休迭耕俾得自贍可以省客兵可以減協餉利顧不

大歟第頂種既越多年轉鬻不下數姓若盡奪而有之勢所甚難或者均分其半以償其舊售之值歸兵者依舊輸納歸民者視田起科並帶徵於州縣不亦兩得其當可爲經國之長畫哉今爲列舊籍於後

湖頭屯在欽平上里福州中衛百戶唐勝下旗軍開種
詞臺屯在賢義里福州中衛百戶葉春下旗軍開種
茶隴屯在嘉賢上里福州中衛百戶丁清下旗軍開種
郭家屯在嘉賢上里福州中衛百戶金聚下旗軍開種
高洋屯在建興里福州中衛百戶甘保下旗軍開種

連江縣志

卷之三

民兵

三

安海屯在二十六都福州中衛百戶張忠下旗軍開種
丹陽一屯在中鵠里福州中衛百戶夏進下旗軍開種
丹陽二屯在安義里福州中衛百戶李春下旗軍開種
丹陽三屯在安義里福州中衛百戶陳興下旗軍開種
朱灣屯在賢義里福州中衛百戶朱威下旗軍開種
陀市屯在清河里福州中衛百戶劉遜下旗軍開種
寶溪屯在光臨里福州中衛百戶張春下旗軍開種
桐溪屯在安中里福州中衛百戶沈安下旗軍開種
定田屯在仁賢里福州中衛百戶唐聚下旗軍開種

新安屯在新安里福州中衛百戶李角下旗軍開種

較場附

較場三所軍較場一在定海一在小亭民較場在清河里
寶華巖前與師姑山對連附郭羣山皆拱縣獨此山面不
相向名破功山前人并爲較場四時操演以制其烝每歲
霜降縣官率民壯祭旗纛於此後以遊擊公署近東因練
兵於東阪此地遂曠蓋東主生西主殺生方不宜奮武殺
方不宜寂靜記其地俟後之相土者察所宜焉

惠政志

人莫不受生於天而使之各得其生者非天夫天生人非不欲予以各得也而力有所窮必有人焉起而裁成之輔相之以安人利物之念爲賑窮恤困之方俾澤以下究衆以胥匡則凶荒至而補救之功溥災祲作而調護之用神先王明五德於天下因土宜以爲民資凡勤人大葬之屬及夫百藥有具百草有備皆預謀而立之職是以一夫不遺而萬物得所也有一官一邑之寄業已蒞斯民而名爲司牧撫茲羣姓而予以各得之生獨異人任乎哉著惠政連江縣志

卷之三

惠政

古

於連者自唐以前未之有聞其傳者於宋僅得之在嘉禧六年知縣游義肅建平糴倉爲民興利邑人吳驥伯記其事歷年已久湮沒未復由元迄明將四百載善政尚多可述而不得其詳惟今積儲之所在邑治後者云卽

常平倉故地也常平之制始於漢蓋官出糴本時豐糴以爲備平其價而入之歲凶糴以濟饑亦平其價而出之故穀賤不至病民穀貴不至病國所謂法之善焉者明初於所在州郡立預備倉準常平以行之其卽此乎至

國朝康熙四十七年巡撫張伯行檄諸縣建立

社倉以民之足於衣食者主焉此則倣古義倉之法因餘而取之因地而藏之因人而長之其藏之里猶藏之家也歲不足視其不足者而假之視尤者而賑之民坐而取食於里猶取食於家也其地在治前宣化坊之東未幾法廢不行矣至康熙五十三年復奉檄勸捐積貯

社穀用備災歉連城鄉諸紳士計捐穀八百二十石五斗零捐在縣者官吏司之捐在鄉者社保守之雍正十年以米價沸騰詳憲請糶秋成復糶以補其數此古推陳入新

連江縣志

卷之三

惠政

五

法也至乾隆二年水旱洊臻嗷而待哺六月議賑七月再賑八月十五日颶風大作壞廬舍田疇於二十日又賑先後計凡動支社穀七百四十二石六斗餘之存於縣者貯之倉在鄉者尚存馬鼻一堡爲穀一十七石五斗今猶管於社保由此觀之則社穀之設大有補於閭閻也明甚他如

養濟院者在宋曰居養院在元曰孤老院明更爲今名連以流丐居之至嘉靖時院廢而舊址莫考大抵此邦地陋人稠居無曠隙流丐求食出入靡常其距省會長樂皆不

百里自向樂邦而宅之由來久矣惟有

普濟堂者所以收境內之貧而無告老病不能自存者則籍其名以養之給薪米以贍其身製衣袴以禦其寒小口

則減三分之二以食之死亡則具槥及衣衾以斂之

人月給米

三斗薪三十斤
冬夏布一匹

口糧出自田賦衣布出自均徭故至今院

雖廢而糧猶循例按季而給連之孤貧原額六十九名乾隆二年恐貧而無告者尚多

特詔郡縣詳諮增給連時增五十二名共爲一百二十一名按日各給銀一分誠曠典也雍正二年奉

連江縣志

卷之三

惠政

十六

旨建

育嬰堂於治北萬福隄在宋郡縣有慈幼之局貧家子願育者抱赴局中書生年月日局置乳媪爲之鞠養其贍於家而無子女者許就局取養之以故歲雖歉幼孤得無棄我

朝軫念及茲懷保之恩靡所不至得不謂仁焉凡此皆爲民食籌之者也若夫民命之所由繫者則又設爲醫官惟擇品味精求炮製以濟癘獨之窮民病恙之獄囚名之曰惠民藥局舊在治前宣化坊橋南之左明成化間知縣凌

玉璣改建今廢久局地亦無復存夫王政之行將使民生無乏用而死無轉屍也然以西伯之仁猶不能使其國無道棄之枯骨而必待加恩以掩之此王者恤民之死猶有其方則諸所設

義塚尤彰彰可考也今之義塚即宋之所謂普同院元之所謂漏澤園乎明洪武三年禁民間火葬停柩詔天下郡邑各立義塚視之宋元名異而實同連有義塚昔在欽平下里北禪寺側去縣五里許宋嘉定間設後改移東郊之東嶽阪歲久屢經洪水淤於積沙今存者一在清河里觀

連江縣志

卷之三

惠政

七

音塔西一在新安里西泉山此舊制也乾隆二年知縣戚敬言新置二區一在清河里西山一在新安里磨嶺山多為之所凡使草間殘齒無傷風露而已

外義塚八所一在清河里觀音閣邊

一在新安里磨嶺上古井一在磨嶺邊一在下一圖荷山以上四所康熙三十九年里民黃天若造一在清河里觀音閣邊舊塚旁雍正三年天若之子黃祿黃泳造一在嘉下圖埵坑雍正十一年幕浦庠生陳暉造一在建興里巽嶼里民林龍盛林龍五林龍藻同造一在馬凖下蘆灣陳爾翼造惟有仁人之心者

必有仁人之政為民生計終始而予之安全此大造不能無憾而匡襄有待於人功也民將利之如冬陽夏陰不召而胥歸焉其以此歟

匠班志

附徵

君人者方備百工之用而事不得兼爲必待執技在官効智巧以供其役凡飭材辨器資以利用而已非財賦所取給也顧以技從公猶力役之義云爾民役於力者率可僱以代身而百工藝有敏鈍之分地有遠邇之別勢不能盡爲國家用酌所宜而準之僱役立爲征法蓋亦通變之善術焉宋元以前未之聞也明制額載全書府州郡邑各派工匠人數應役聽以時分遣則匠班之名由此而起而立之法別爲住坐輪班身服役二京官廩之住坐是也不

連江縣志

卷之三

匠班

六

願服役則歲征銀六錢三年一解輪班是也連無住坐之匠其在輪班者舊凡二十五名每征銀一兩八錢計當四十五兩編爲四班輪輸徵解申子辰年五名輸以九兩巳酉丑年十名輸以一十八兩寅午戌年七名輸以一十二兩六錢亥卯未年三名輸以五兩四錢若值閏歲每名加征銀六錢一視司頒額數給解此連匠班之額載然也其徵以匠輸之者匠耳已而故匠逃亡殆盡徵解無從而官民均受其累毋亦不核匠之實而惟取足於額故歟歷久不循其舊起解之數不別歲爲低昂每年匠銀連閏通勻

爲一十二兩五錢悉派入人丁徵解雖不啻盡人而匠之
然誰非民庶卽海徼庸有外焉當有興作不得應之以身
而以輸爲助夫亦義之不得而謝也至乾隆元年請歸正
供每兩勻銀九毫不假他有追呼無匠班之名而事省民
安賦充工具爰得奉爲常制云

連江縣志

卷之十三

匠班

九

寺租

閩自王氏佞佛而隆於崇奉所在叢林相望資供養者連阡陌而流風所煽都人士女多期助饌伊蒲至有割子孫之養爲預種福田地者寺田之多蓋不勝數也其有租自明始明嘉靖四十二年以兵興財殫取給於寺田每十分以六充餉以四還僧充餉者畝征銀二錢內以六分解司其餘辦納糧差此一時迫於軍需爲權宜之計自是遂沿以爲例矣連寺觀自近郭至四鄉巍峩具在昔之推膏腴於僧者是不一姓寺產宜不薄於他邑今核之而寺租無

連江縣志

卷之三

寺租

三

幾蓋自未徵賦以前已資其用而散鬻於民間故也當嘉靖十九年邑紳王德溢建議造城籌其費而緡於寺產其言曰寺產淫鬼之資也汰僧以革俗贍役以保民則善令也當道是其議官給券於民民之饒於貲者爭鬻之計不下萬畝而城工用此完是以連之寺租於今獨寡夫以此捨施之餘而大役大兵視之爲外府豈利而奪之蓋聞佛之於世苟有所濟卽無所不捐誠可爲國家固捍禦爲萬姓寬雜科凡浮屠氏之徒亦樂得以自致也而又何吝乎獨惜罄於前者多他有緩急慮不復足相周耳其額載僅

二十九兩四錢五分一釐順治十八年豁免二兩七錢五分實止二十六兩七錢一釐有田之寺凡五僧所自輸共五兩五錢六分五釐外存額銀二十一兩一錢三分六釐
勻派圖甲輸官而解於司按寺租勻入圖甲雖為數無多而戶首地保借此售指派之奸亦足為民害令戚敬言嘗以有糧無田勻納貽累前後詳憲請豁而格於成例終未蠲免夫存之而於公賦不加贏去之而在小民已蒙利是不能無望乎留心民瘼者之籌於其後也

連江縣志

卷之三

寺租

三

雜事志 上 災異

甚矣哉天道人事之互相倚伏也天道有常亦有變人事有治亦有亂變而以小心處之則變不失常亂而以鎮靜安之則亂可爲治古之人防患於未然弭亂於幾先故兆雖形而失厥所應也郡邑志乘災異寇變在所必書非惟縱觀往事亦用垂戒後人上回天道下順人心覽斯志者將有見小慮大覩微知著之思焉

唐大曆二年秋大水

建中三年夏大旱

連江縣志

卷之三

雜事

三

貞元六年夏大疫 十二年夏大水

開成三年夏蝗疫

五代唐長興四年地大震有聲

景德二年颶風爲災

宋天聖四年秋九月大水壞民廬舍詔賑恤

元祐八年颶風湧潮自沿海至縣治田疇盡沒

大觀三年旱

紹興二年大饑斗米百錢

隆興六年正月地震旱自春二月至秋八月種不入土大

饑詔賑之

乾道六年夏旱

淳熙十一年大旱自夏四月至秋八月不雨 十二年饑

命守臣賑貸 十五年大水 十六年夏四月霪雨

紹熙五年秋冬霪雨禾不獲

嘉泰二年夏六月大雨至秋七月 三年夏瑞麥生一本

四五穗

嘉定十三年大饑民取草根為食 十四年旱

嘉禧四年旱

連江縣志

卷之三

雜事

三

咸淳八年夏六月大風

德祐元年春正月地大震

元延祐元年秋八月巨鯉乘潮入黃灣居民取食盡斃時海

潮大長湧鯉入港潮退鯉不得去民分烹之皆以毒斃
獨有陳京者出運父喪未歸妻吳氏念夫遠出不忍獨
嘗未罹其禍因衍陳族人謂賢
孝之報建陽諭陳道峻其後也 四年秋九月嘉禾生

一本兩穗

至正二十三年春正月虎入縣治

明洪武二十年盡徙上下竿塘民於縣治

宣德八年春正月文筆山鳴

成化十一年大饑斗米百錢 十八年秋七月甲午烈風
大雨至戊戌洪水橫溢縣治黌宮倉廩壇墀田舍俱壞
溺死人畜無算 十九年夏六月颶風大雨拔木發屋
壞田禾沒人畜不計九縣同日皆然 二十一年春三
月雨至閏四月溪水漲溢漂官舍民廬人多溺死繼以
大疫 冬十月地震自西北有聲 二十二年旱大疫
夏六月地震秋九月又震

弘治十二年饑

正德四年地生白毛焚之有髮氣 冬十二月大霜龍眼

連江縣志

卷之十三

雜事

三

荔枝樹盡枯 十二年夏地震有聲五日乃止

嘉靖五年大旱自夏五月至秋九月不雨無禾知府汪文

盛奏捐歲賦是冬十二月火自義井延宏路西及大街

十三年秋大水 十八年秋閏七月颶風拔木折屋

二十一年夏六月大風雨溪流暴漲縣治水深丈餘

城壞十之四屋舍漂流人畜溺死無算 二十二年夏

四月地大震 虎入縣治 二十三年春正月地震夏

旱秋饑巡按御史何維柏賑之

何公粵之東海人後以
劾嚴嵩被逮士民送之

哭聲
載道

二十四年夏大饑民食草根

時斗米銀一錢民
無糴處餓死甚衆

二十九年夏五月庚辰地震壬午又震雷擊明倫堂柱

三十年春三月安慶里大石隕有聲如雷 三十一

年地生珠大如綠豆著手輒碎 三十四年夏四月文

筆山鳴冬十二月平地雪深尺餘 三十五年春二月

大雨雹三月地震是歲有黑青見數月始息

時民間訛言有海驪

精狀如螢著人衣裙卽死城中人家擊金鼓如防巨寇
夜不帖席數向道士市符活之有司疑卽道士所爲也
將寘之法道士
逸去怪亦絕

三十八年春饑 四十年春夏海濱

大疫 四十一年十一月丁酉冬至地晝夜九震巳亥

復兩震 四十三年夏四月地震秋八月大水山崩冬

連江縣志

卷之三

雜事

三五

十一月大雪 四十四年冬十一月大雪山谷深四五

尺 四十五年春正月朔夜地兩震

隆慶二年夏五月地大震 五年夏旱自四月不雨至六

月

萬曆二年秋八月地大震有聲起自西北山石皆隕屋宇

傾頽 三年秋八月縣治妖火數發九月務後延燒三

十餘家鄉皆集衆爲備或徙器物虛其舍避之久乃息

九年秋七月大水壞城郭官舍民垣 十年夏四月

菊蓼木芙蓉盡花 三十九年秋大水沙淤清河里寶

華巖前官路高五尺 四十六年秋夜分東方有雲赤
白色形如刀長丈餘數月始消

泰昌元年大有年

崇禎九年冬十二月大霜荔枝龍眼樹盡枯 十年秋七
月浦口滕家地湧血噴激丈餘是歲奇達民吳魁妻一
產四男皆不育 十三年夏四月拱頭龍津潮水大進
赤如豨血 十四年秋七月朔颶風大作有火光發屋
拔木傾治署譙樓壞民居無算 十五年冬十月至十
六年夏大疫人民多死

連江縣志

卷之十三

雜事

三

國朝順治十二年春正月望大雪平地深三尺 十四年
大旱自春三月至秋七月 十八年奇達北茭黃岐上
塘海潮湧進作十餘進退而滿是歲調遷沿海居民於

內地

江南浙江廣東并福建
四省居近海者皆遷之

康熙元年大饑 二年秋八月文筆山五色雲見 三年

春大旱秋七月大水八月饑民食草根十一月縣署火
是歲虎五入縣治搏人於市

時令連者墨民興怨謗曰
譎云虎不渡河偏入縣風

能返火
却焚衙

五年雷擊縣堂柱 六年夏五月龍起西郊

金鐘潭鱗甲皆見從西北去 七年春正月有星如刀

見西方經旬乃滅秋七月大水 十一年春保安里山
鳴冬地晝夜十餘震自十月十七日至十二月二十一
日乃止 十二年春正月大雪夏五月旱至於秋八月
不雨 十四年秋七月大風拔木瓦石皆飛折化龍橋
亭毀官署民居九月大水是歲萬石居民屋內地忽湧
泉壞屋壓死者五口 十八年春馬漚庄邊有石發火
自燃燬爲數段是歲穀價騰貴石逾一金 十九年秋
大旱冬十一月有星芒如刀長數丈見於西方經旬乃
滅冬盡復沿海居民 二十年秋大旱至冬十二月不

連江縣志

卷之三

雜事

三

雨 二十一年秋大旱是歲邑人楊仲熙妻周氏一產
二男一女皆不育 二十四年春旱及夏始播有蝗六
月虎入縣治十一月冬至地大震 二十五年夏四月
海濱雨雹大如彈冬十二月二十日雷發聲 二十六
年春正月雷震蝗大害稼 三十年春旱三月十七夜
地大震有白毛出土上焚之如髮氣日中雨絲長數尺
將著地輒消秋閏七月初四日颶風發屋縣治洪水高
五尺夜半地震十五夜大風雨二十九夜大風又作海
水暴漲淹及沿海田產人畜死者不計

海人云是海嘯
沿海諸邑皆然

三十五年大旱自前年冬至是年夏五月不雨 三
十八年秋八月十五日地兩震十七日大水冬十一月
二十二夜虎入縣治 四十一年旱 四十二年又旱
皆自春徂夏不雨 四十八年春二月龍起金鐘潭風
雨大作拔通濟橋南塔尖經東岱百勝而去頃刻復晴
縣治之北五里許風雨不及 縣治西郊金鐘潭中常有
烏鯉故老云上至金鐘潭
下至漁滄浦一升天則一鐘潭自康熙六年至此兩見
其升者矣鬣現必大風大水乾隆二年三現其鬣六月
二十日現二十六日又現洪水大作七月初三日又現
初六日風水亦大至二十日後又現八月十五日颶風
海漲尤為慘烈信非謬也

連江縣志

卷之三

雜事

三

雍正三年自夏六月末旬至秋七月十一日雨下如注溪
流大出縣治水溢丈餘 四年夏旱饑知縣劉良璧捐
米賑粥秋八月初七八日大風雨不止自羅源福安寧
德北嶺以至小滄蛟水泛溢山岸崩潰縣治水高城堞
逾於三年衝壞潘渡橋址暨通濟橋南第二址西南城
垣盡決沙壅民屯田園不可耕者幾二十頃民居近江
自西南及水南漂沒三之一男婦溺死二百九十餘仁
客寓不與焉 時水南居民陳君元水長急乘道旁木筏
漂流至長樂梅花與婦孕將育隨於筏中
產一男得救而全歸不惟一無奉
所傷且增其一口矣亦異事也

旨蠲額糧一百四十餘兩發倉穀三千餘石賑恤災民從

知縣劉良璧請也

公湖廣衡陽人時歷巡境內被災之家給穀石銀錢不俟詳請以甦難又

嘗以穀貸諸被災者約以來冬還及奉調盡以予民

五年大疫 十一年夏六

月二十日颶風大作拔木壞民屋舍

乾隆二年夏六月二十六日大水秋七月初六日大風雨

縣治水復溢八月十五日颶風大作舟飛於岸屋瓦盡

空山谷樹木如斬掘蛟水壘發溺死人畜甚多時奉

文賑穀三千一百八十餘石銀一百三十餘兩貸給貧

民穀二百七十九石銀一百九兩蠲免田賦九百七十

連江縣志

卷之三

雜事

三

兩衝陷田畝永遠蠲者十四兩零從知縣戚焱言請也

是日省城南臺遇災尤甚漂屍蔽江而下

三年夏饑石穀價逾一金知縣

戚焱言率先賑粥訓導陳鵬南捐米以助紳士庶民各

有捐輸得穀五百石有奇仍勸有田諸紳士運米明倫

堂按日平糶民之買者戶日以二升為限約四十餘日

禾熟可食邑賴以安

雜事志 中 寇變

元元統二年紅巾賊寇縣林泉生禦却之

按泉生字清源永福人元天曆

中進士先在福清州屢立武功及為守會紅巾寇連江帥府檄泉生禦之泉生創保甲置屯柵誅鹽丁謀亂者七人捕殺長樂謀為內應者三十餘人賊知有備且無援遂以潰散

至正六年寇入縣治 十六年寇掠縣巡檢劉濬死之

明正統八年鄧茂七作亂處州賊入縣治 十四年寇兩

入縣治

弘治十七年寇掠縣

正德十二年夏五月寇掠幕浦典史卜仲寬督兵追之戰

連江縣志

卷之十三

雜事

三十一

死於黃巖

嘉靖九年府獄囚逸越縣界至館頭將入海知縣顏德倫

計獲以歸 十七年寇掠杜棠縣丞單賓邀戰死之

十九年夏寇由東湖入縣治越宿乃去斷通濟橋 三

十五年夏五月山寇掠東岱

其來自陀市潘渡登張旗山經邑之水南至東岱大

肆劫掠歸仍宿水南明日循舊路而去

三十六年冬十月倭攻小東門

不克焚龍興觀及保固祠掠附郭伏沙諸墩去

時倭由漁滄浦

登岸踞東嶽祠將攻城邑民陳模挾一矢上睥睨落之中巨魁乃不敢逼毀祠去按模嘗散財結死士殺賊至福清得倭悍馬於牛田人無敢騎者模飛轡而歸倭駭不能追人皆稱其奇壯

三十七年春

三月寇劫幕浦是歲倭連艘泊定海戕殺慘毒四月蹂

縣治踰北嶺進逼省城 三十八年夏四月倭踰縣界

趨省城分寇各縣

自陷福安而西道連江城外衆數千人徑趨閩侯懷三縣鄉鄙及閩清長

樂福清地自夏四月至六月稍稍解去

三十九年春三月倭大掠諸村

自二十七都安德保安嘉賢中鵠安義仁賢清河等里窮谷深山無不焚燬屠戮財物罄掠凡三閱月

四十二年夏五月初二日叅將戚繼光大破倭夷於馬

鼻殲之境內遂平

按戚公用兵如神嘗練處紹義烏兵爲鴛鴦陣破倭於台州平海衛及同

安漳浦皆有功聞其平連江時接見縣令留飲帳中酒初巡託疾入內命幕僚肅客鷄鳴席散洎午而殲倭之

捷信至矣其奇變不測如此邑人豎碑紀其功西較塲

連江縣志

卷之十三

雜事

三

崇禎元年六月初四日海寇周三老陷北茭城掠巡檢印

去得賂歸之 五年夏六月二十八日海寇劉香仔劫

毗屯諸生趙良珪鄉民陳其惠等禦之其惠戰死明日

舟集通濟橋攻城知縣于可舉率民兵與戰賊却退掠

幕浦堡殺男女無算是歲撫院熊文燦鄒維璉皆按縣

國朝順治二年乙酉前明奉新王入縣 三年丙戌秋八

月 王師入福州檄定連江候官戰阪賊謀掠縣治不

克殲於光臨里

先是賊結內應將掠縣乘我師在省詐稱分兵定連時以山寇蜂起縣城戒嚴

內應將開門納之諸生陳彥弼時在分守力持不可賊計沮而遁至光臨潘渡界鄉社共起逐而殲之明日戮

內應於美政橋

四年丁亥秋八月海寇陷縣治墟之屯兵北

嶺攻圍福州大索餉諸縣 五年戊子海寇鄭彩陷縣

執知縣宋人望殺縣丞袁養民典史焦汝振教諭張俊

六月初六日提督劉忠平賊大兵入縣

時死於兵禍者多婦女之死節

者五十餘人別為傳

十年癸巳秋八月海寇陷黃岐堡縱掠焚

民居 十一年甲午夏六月海寇圍東岱堡遊擊宋天

祿救之斬首數百餘賊悉奔入海死屍乘潮至通濟橋

江水數月不食 十三年丙申秋八月初四日海寇陷

縣知縣楊繼生死之

婦女亦多死節者別為傳

十六日陷東岱堡屠

連江縣志

卷之三

雜事

三

其民十九日提督馬得功復縣城是日大兵救東岱賊

毀城遁

東岱為連江咽喉賊將入縣必先攻堡其民俗強悍勇於戰鬪賊屢攻不下遂先攻縣及縣陷

復反攻之旬有餘日矢石並發終不能近因掘地內炮

裂其城衆大潰遂入之殺戮無遺種賊退邑生王治觀

棄產得百餘金為塚瘞焉 是時賊復移攻北茭焚掠

其地分遣一舟至馬漚索餉以三日為限社長陳某造

其舟請緩期賊怒執之其女 鳴金號衆與定議當

早潮水退舟膠泥難動賊眠未寤合鄉各乘泥板執狼

牙竹圍之爭以泥拋滿賊舟滑不可立奮擊斃之舉舟

無得脫者按泥板即古之橈海人於泥中乘之如飛

十五年戊戌新洋賊林國賢綽號田雞七聚衆掠諸鄉

十七年庚子秋七月二十日海寇攻馬漚及透堡焚

掠不遺洩前忿也冬撫標守備林炫剿山寇於安定里

戰死 十八年辛丑夏五月把總閆榮剿山寇於保安里戰死冬十一月撫標遊擊王用升大破山寇於古田之鶴堂追至安定里賊窮蹙總督李率泰撫降之

康熙元年壬寅山寇索投誠餉於民大劫掠諸鄉 三年

甲辰夏四月調投誠寇林順等安插縣治萬石鋪 五

年丙午夏四月調林順等屯田河南省 九年庚戌海

寇鄭成功退據臺灣總督范承謨疏乞展界復沿海移

民 十三年甲寅春三月十五日靖藩耿精忠反檄下

郡縣自稱上將軍官民剪辮留髮以連江遊擊吳長春

連江縣志

卷之三

雜事

三

為副將攻破福寧溫州

按長春防守連地素以驍勇有聞總制范公拔置帳下將以自

衛長春潛通耿逆凡制府所密謀盡輸之故逆必先收公後反及舉事每戰冒矢石先進輒得勝逆倚如柱石後攻衢州逆黨有伎其功者於陣後飛砲擊死之自是戰屢挫而賊勢衰矣 十七日連江營

卒將乘亂掠諸大姓值大風雨乃止十八日復糾以起

鎮將程元春不能制千總高祥執其首惡戮之亂遂定

有悍卒沈元歸於汎擁黨開劫縣民大亂祥揮 二十六

大刀立斫數人擒殺為首者一人黨以解散

陳鬍馬海人寇劫羅

日山寇陳鬍作亂千總劉英計誘入縣殲之

源兵餉殺千總一人屯麻阪寨英奉令剿捕按兵息鼓 百餘 匹馬入寨諭之降誘至縣治飲以酒伏兵起盡殺之凡 十四年乙卯耿兵攻浙江不克食盡還大掠沿

途居民 十五年丙辰偽鎮李朝政駐縣盡勒客戶居

民為兵九月我師入閩耿精忠納款檄下縣官民剃髮

亂初定營卒謀掠縣治把總何保諭止之是時耿逆敗卒擁眾縣治

將作亂保統所屬日夜巡緝令各家門首揚燎持械相衛逆謀不得逞又有營婦十餘恃寡數掠市民錢物連

臂里巷稍不如意則什器盡碎有大哥副將之名橫行兩年人莫敢忤保手縛其尤悍者兩婦投之大江餘乞

命俯聽境內帖然十六年丁巳春正月十五日海寇自館頭踰

嶺夜掠水南焚民居數十家守備鄭興以兵却之 十

七年戊午秋八月二十四日海寇蕭琛蕭圭章章本鎮

攻掠幕浦堡盡俘男女以去九月聯絡官陳君翼率舟

連江縣志

卷之三

雜事

三

師大破之定海獲其魁還所俘掠寇稱四鎮陷幕浦堡死者百餘人遊擊侯

大經以兵趨救馬傷而蹶賊將赴之千總劉某揮大刀前進殺二人獲一人以歸侯乃免寇盡俘男女於廈門

索贖有皮七者前嘗投誠寓幕浦與諸大戶習至是嘗以其二舟載堡民往來議贖不取其直知貧而不能贖

者則貸而助之諸相習大戶亦皆賴以脫俘者前後多歸及君翼定海之捷獲章本鎮復奪回前掠者數十人

二十一年署防劉資德以江西歸農兵安插沿海奪

耕民田諸生楊慎仲死兵凡二百五十名恃開墾荒地之令占耕民間熟田透街生員

楊慎仲與爭時總督姚啓聖征臺灣駐樂平沙適用兵之時江西兵擒慎仲赴愬仲方不勝憤於軍前大喊求

直受杖三十歸而死二十五年秋七月初六日紅毛泊四舟於

定海 三十三年冬十二月十二日夜盜殺防將衛聖

疇家丁韓二於學山後 五十八年夏四月福清薛彥

文聚黨謀亂屯於五縣寨石壠諸鄉大震遊擊李必顯

會各標兵討平之

彥文初業治以造農器往來安義仁賢安定間稍稍招引匪類至是謀六

舉劫掠其黨多為人言將舉事如所怨某某者皆當報之衆因偵而信又常見有以蓑衣覆兵器擔負而過者村里駭共傳之遠近諸鄉大震大姓率挈家入城其貧者奔山谷多墮坑塹以死在城士女亦一日數驚而賊衆事方未集官司聞之羽書馳報得預爲計文武數集謀千總何勝密令親兵某詐爲賣卜者以應募抵其巢居數日脫歸盡得其無備狀於是遊擊李必顯請憲令會督標諸軍急攻之賊盡鳥獸散大兵登山焚寨得其籍具得其黨姓名有司以次按治無遺彥文竄匿巖穴中官懸格購以百金其所厚某者故匿之數於草間呼予食至是以進食給之出縛以獻軍門絞死福州市

雜事志 下 叢談

竊以執兩用中必審是非於郊野因文約理亦參得失於古今故風謠自昔所陳而記載不嫌其博今志乘之書多述賢蹤用佐省覽然錄節以大而細則遺取人以美而疵從棄搜撰所及亦或闕焉未備爰更旁拾都爲叢談軼事閒收僉言兼采雖詞涉廣奢有過存之碎瑣而旨歸典要無不截之浮疑列輕重以聽鈞衡呈妍媸以隨藻鏡庶平善敗聿昭良牧得資爲諷勸抑且見聞有助後人不謬厥從違云爾

連江縣志

卷之十三

雜事

三

宋慶元間嚴僞學之禁朱文公避迹至連入安中里仁山留數日主人禮奉甚周公命取廳門書大學聖經其上謂曰留此爲禮義之報遂行後鄰村瘟疫豺虎數見仁山獨經數百年無患以有公所書聖經在也至明萬曆間劉令希夔聞之取以去然其地至今災咎亦不常有云

李筠溪彌遜有遺跡在臨漳朱文公嘗跋云觀妙東楹李公侍郎遺墨語意清婉字畫端勁每至其下輒諷玩不能去然歲久剝裂又適當施供帳處後數十年當不復可讀矣別爲摹刻授道士使陷置壁間庶幾來者得以想見前

輩風度李諱彌遜時以力詆和議出守臨漳云慶曆乙卯

正月甲寅朱熹書夫李之見重於文公如此其人品亦可

知矣

按李宋南渡初顯仕於文公爲前輩觀此跋則彼此先後曉然易見及讀文公與鄭自明書中乃有李似

之文字果佳甚慰人意老兄當勉其進修以俟時語殊爲可異豈文公時連邑別有一李似之耶然李於自明時相去又未甚遠而後進遽襲鄉先生字號朱鄭二公固有識者乃坦然筆之簡牘而不疑此又以爲事所必無也大抵文字流傳日久謬訛百出諸如此類殆不勝舉

明林雙溪錦多權術當分憲粵西時黎酋不靖錦時取所斬賊首入於讞囚日命烹熟進案上快噉之賊聞破膽其實所噉者乃麪爲之非人首也及謝政歸夜宿一驛有強

連江縣志

卷之十三

雜事

三七

寇數百人將爲亂錦知之時僕御僅二三十人不敵乃燎燭端坐洞開重門取點軍舊籍命從人戎裝聽點廻環不絕寇遠偵聞喧聲竟夜不知虛實遂不敢發

王十竹德溢按粵東時入境月餘寂無聲息一日臺前忽榜一聯云鐵印初開壯士胷中三尺雪繡衣已到賊官頭上一聲雷貪墨皆奪魄乃陳旨計吏立兩木書貪廉字令所屬自審廉貪各就其下有一縣令初立廉之下已又向貪而立問何故對曰職初入官清操自守一介不苟故廉後上司責賂切不得已爲免罪計剝民以媚上故貪德溢

因詰責賂者令一一指明鞫實皆疏論逮治一時官方肅然

吳憲副世澤守嚴州時有市屠私宰耕牛其牛奔跪輿前若哀訴狀乃按其事而懲之因以牛歸養終其生斃具藁席葬之夫牛牲之大者性與人近春秋傳謂其能作人語曰是生三犧已用之矣然則知所告哀何疑彼淚於江陵拜於望蔡其臨烹觶鯨情殆類此而生死分者以其人之仁不仁異耳

鄭友松嶧生而貌臞氣勁行步矩矩人目爲鄭公步閉門

連江縣志

卷之十三

雜事

三

自守不見邑大夫居家甚儉教子孫有法無游手食者孫少叅之疏復孟子全書也其後浸微嶧搜於其家得疏稿半蝕於蟲鼠錄之以傳爲記曰余少時聞孫公林下一人矣正德辛未掌教龍先生以吾連先達策諸生因荅未備次日錄示一款云風節孫芝余未詳其風節事越二年有游者民璇者語余曰我曾叔祖義生公爲御史因事下獄孫公以貢到京包筮飯置魚菜少許自提擊登聞鼓奏曰臣孫芝與游義生少同學今義生坐事臣遠來願進一飯盡友誼上許之至則御史以吞金死矣余乃知龍先生重

公蓋有以今觀奏復孟子疏直斥劉三吾為逆臣其風節

凜凜可知前輩修志薦入鄉賢祠顧以其子孫衰微不見

錄余故為之論著以愧夫依阿相援薦者

嗚有師儉堂訓云慎齋主人作

堂於泰街之上丈巷之前地勢深厚制度渾堅築壤為基
采木為椽不刻斲以為華不藻繪以為妍落成之日客不
旅賀席不肆筵啜茗而退曳履而還端坐若忘疑思入玄
名其堂曰師儉揚大扁而高懸其子年將舞勺學方就藝
晨起入塾告而將事乃趨而問曰茲堂何名茲扁何義小
子不敏請釋其秘主人曰噫子來前夫儉者持家之法檢
身之律故薦取蘋蘩羞用榛栗食止適口衣止蔽質騎不
過代步居不過容膝吾之建斯堂也地雖不廣庭猶旋馬
構雖弗隆圻至萬瓦回視甕牖之內繩樞之下孰壯孰陋
孰多孰寡吾內服先訓外酌國恩炊不黔突行不過門汝
曹居必我守敘必我停酒掃蕪闔開燠溫漏則必葺敝
則必新勿增高以炫俗勿闢廣以傷鄰庶吾儉之可師幸

連江縣志

卷之十三

雜事

三

吾堂之永存言未既其子樞衣而進曰某嘗參諸史冊稽
諸傳疏與奢寧儉不孫寧固此仲尼矯俗之言似亦有不
得已之故若蕭文終之所云猶王剪之是顧觀其建宮室
則使後莫能加買田宅則藉之以自固大人乃取於斯言
實蒙者之所未悟也主人莞爾而笑曰汝不求諸經乎禮
出天秩卦以節名儀文有等度數有程故虞代命禹家以
儉興周廷訓官業由儉宏惟儉之德善莫與京賦蟋蟀者
謂家之可保讀損益者知富之可懲車之鑑者人必瘁壁
之懷者罪必嬰東山聲樂未免金谷之侈公孫布被不如
司馬之誠甚至薪蠟館釜水山肉屏或流蕩以覆族或荒
亡而喪生顧從奢之若燎覺從儉之如登爭棄本而逐末
或當誦而舉羸恨隄防之易潰念谿壑之難盈寧知苦則
可以無悔甘則可以致亨是儉者誠膏肓之藥石為大器
之準繩吾年未逮乎衛武汝學未至乎康成言無微而可
畧理愈究而益精惟吾儉之是師信斯堂之有徵其子乃
耳接面受心領神會不違如愚唯唯而退出而質諸傅傅
曰約哉辭乎道不下帶室何遠而雖萬物之備我有一言
而行之彼大人先生者身在臺閣志存蒸梨傷世家之枯

侈慨時俗之澆漓其教也有所始其事也有所爲蓋卑官室以力溝洫化文繡而爲茅茨君子歸嚮以成俗小民日遷而不知期禮達而分定終上安而下怡公儉德於四海匪一家之獨私予亦聞楊縮居相位而國俗變何邵襲父風而家道衰瞻正儀之足法知蒙養之在茲子歸而求之有餘師矣豈句讀之士所得窺其津涯也哉

戚叅將繼光剿倭閩地神於用兵號令嚴肅信賞必罰士卒惴惴用命故所至成功旣平連江移兵寧德以其子爲前鋒傳令退縮者斬其子登白鶴嶺見倭勢甚盛回頭欲有關白立斬以徇三軍股慄臨戰無不一以當百於是盡殲羣倭遂平福寧路光與游大叅子東洲素善每出師常攜與偕東洲見其微託疾辭歸或問之答曰公用意不測連江縣志

卷之十三

雜事

罕

吾不速歸安知其不以我試乎及白鶴嶺殺子事聞人皆服東洲之先見云

趙文峯恢宣德癸丑殿試制問羲禹河洛象數條對詳明擢第二舊傳其初擬狀元讀卷官以恢爲灰心二字抑之考明史中如建文二年狀元胡廣上嫌廣字易之以靖又永樂二十三年甲辰殿試孫曰恭卷當第一上惡其名如暴字置第三此尤與恢爲灰心相類然則故老傳述當非謬妄而士之命名固不可不審也

五雲蕭公穀治連約已惠民有某中丞封空籠索橘五百

斤時方秋橘尚未熟意在得賄五百也客有說公曰中丞公所向可知以公清苦不能辦莫若勸民使助公否且得罪公雖欲長爲民地不可得公慨然曰以民命博一官居此何爲吾俟吾命而已竟市青橘以獻中丞怒以不及中公卒解職而去

錢令君九思蒞任無幾烹調非銀鼎弗食內外非綺縠弗衣嘗裁絳緞爲卧幃一日內子病召醫至立剪其幃引手出診其暴殄多如此堂後自扁曰五益有士人私贈一聯

云五益益何人三益吏書二益皂十思思甚事一思花鳥

連江縣志

卷之十三

雜事

望

九思錢人以爲一時寶錄

吳襄惠文華丙辰釋褐同試政吏曹五十餘人時太宰嘉禾吳公少宰安陽郭公傳諸士取素所撰著文華作志對以進太宰不省及授南駕部主政詣別少宰曰向見志對醇雅足覘異日事業矣吳方新進卽以文章受鉅公之知

亦可見前輩留心人才無所不至

志對云客有過而問焉曰所貴於志者何哉爲

遘時以伸道也今聖皇御極道久化成尚爾夢寐賢豪壽容熙載而維嶽降神申甫在列陳謇諤之忠奮卓犖之才亦不爲少也方釋褐帝廷觀光上國瞻明良之末韻嘉二五之昌期將樹勲名此非其時哉而云胡以自効也應之曰智力不可以強進才華不可以虛襲愚固海濱之鄙夫而江南之渺士也其將何能客曰昔洪水橫流帝思俾乂

夷狄猾夏爰命徂征明君之求也若聲羣賢之應也如響故士患身弗庸也不患庸而弗狎患道弗充也不患充而弗庸今子之筮仕也入義利之分關履邪正之岐陸得則龍游失則鼠視殆亦奚事以稱斯責乎曰賢人不違世而名立志士不出位而建功是誠無所事也端志云爾客曰何哉子之言志也連城之壁不炫於鬻不足稱寶豪曹之器不試於割不足稱利昔毛遂趙之陪隸猶喻錐囊以服楚終軍漢之旅臣顧請長纓而致越誠欲適於用也方今六合未康隔弁屢見豺狼抗爪牙之毒羣黎陷顛沛之艱此謀臣所以輟餐武臣未能安枕也不於此時飛辨陳辭解疑釋結上之揚聲紫薇垂休天壤下之突刃觸鋒騁舟奮驪而顧局影於凝嚴之地偃息於篇章之圃同明相見同聽相聞是進無裨於時而退無損於數也然則子奚志耶文繁矣將復靡也其能刻乎俗漓矣將復薄也其能正乎財渙矣將復匱也其能裕乎兵弱矣將復脆也其能振乎勲不顯於及時而道不伸於見知猶之無志云爾曰不然重壁無因而前鮮不按劍利器試於頑石非折則缺也今天下資賢甚亟矣然有自銜之行則其志鮮有能終者

連江縣志

卷之三

雜事

望

也吾請爲子言志夫志之立也隱於淵淪定於冲默斂之無形廓之無極可以貫星辰羅山嶽流江河濼霜雪不以盈而豐不以損而約不以顯而伸不以晦而落用之則銘著景鍾不用則身恬邱壑豈必馳競以徼榮越分以圖耀哉茲吾弗能求於人也顧無矜於躬乎弗能得之外也顧無植於內乎文繁莫可節弗敢仍習而敝俗尚莫可返弗敢隨風而流國計之莫裕也居其位弗敢使之愈耗六戎之靡飭也當其事弗敢使之愈弱蓋志立則百務可張志萎則一毫莫補斯志也金張不能貴猗頓不能富老不能使之虛無釋不能使之幻妄功利不能惑利害不能移此終身埃用而伸若夫競功名之會效錐刀之能攘攘而趨戚戚而悲是下士之所尚聖哲之深鄙也惡足陳哉客曰至哉子之論也謹躡足而觀其成矣於是作志對

閩中楊繼生明季閩中榜元博學高才工於詞賦

國初令連居官清慎加意造士凡遇徵糧貧士應比者必

試對對佳者笑遣之一士上堂楊出句曰土土地士不能
對楊笑曰何不對金金剛乎又一士上堂出句曰簷水無
魚何勞蜘蛛結網亦不能對楊曰盍對月官有桂請爲長
者折枝乎聞者嘆服時荻江獲大龜背文斑駁因著玄龜
賦以見志古奧絕倫及海鯨寇連闔門死難所著書皆散
失獨遺石鼓文序及詩讀者寶之

邑人吳鉤字道子善篆隸嘗臨摹石鼓文繼生

爲之序云繼生產自梁州寡聞昧承乏鼇江吳子鉤發
筭以石鼓文見示讀之則楊用修授之於李西崖李西崖
得之於蘇子瞻者也按史記周宣中興內寧外輯遺石鼓
之文而小雅之什史籀之詞其文絕類豈周臣載揚王休
與後世秦銘漢歌抑匪類而類歟吳子之先襄惠公文華
由進士歷官大司馬注意文苑藏書之富天下莫與埒故

連江縣志

卷之十三

雜事

三

石鼓之在鼇江無異於在岐陽也冶城李登鑑舊帙駸蠹
與陳延之歐陽惟禮篆而藏之鉤臨本得法於李較之用
修所序損十之七大梁周元亮先生有柱下史之目爲之
識蟲文於目學辨禽音於俗書試爲我問先生漢儒表章
六經模楷程李並記石渠而近失之陳倉是石鼓亡於漢
而興於唐也潘氏手錄與薛鄭二家損益不多而子瞻之
本增至四百五十七言是石鼓畧於唐而備於宋也傳曰
儒者今人與居古人與稽居之爲言習也不習則不信稽
之爲言察也不察則不詳夫裨說亂真支文亂道世尚有
傳者吳子皇皇周齋昭明祖訓爲今人耳目因作詩以廣
其義云詩曰天祚有周際於天電執翳滅殷六師桓桓十
傳而宣中烈大武內寧外輯泰仲吉甫廷臣史籀文命來
宜鑑茲弗靖惟王震旃友邦庶君罔敢僭或算弗交乘口
王明德惟王燕喜爰名司空以厲以鑿以伐以庸頊之裔
孫竊有西鄙不念舊章滅我文武岐陽之墳衆夢如縣瀉
池之雄竭我文淵斯篆冰圖變易六書大文不泐如錐如
涂鴻都式賢邕也委帶篆隸之存瑩瑩而藹迨至晉唐蒼
史系絕手運目擊諸家漸晰漆書之訛重於十翼矧石而

磷匪教匪式岳岳嶽嶽蚪窟沈前敦後章訓我後人哲
哉吳子堪案縱橫如裁斯割如構斯承泰伯之胤實惟句
吳鉗髮而冠鞞鞞姬夫抽穎鬼號目眦睖睖谷枯泉窮八
法載衍生強不慧牢豚竇猷鑑於石鼓其音可掇彼農而
插聿工而繩敬事勿替矧伊周臣天祐彤陛殪兕伐狐以
鉤爲籀河圖賁如我歌抵夔堂乎其響髦簡之資以踐既
行

本朝以武功定天下入閩諸將鎮連如副將倪光友守備
于和皆精騎射當校射時倪命以數甕各貯雀十許頭懸
於竿首馬過仰發皆中者受上賞于縱轡發矢甕破雀飛
如是數次俱不失一又嘗命工剃髮工運刀頂上迴旋如
風于笑曰汝展汝技耶吾亦欲展吾技命工跪階前加泥

連江縣志

卷之三

雜事

四

丸于其頂坐堂上拾矢射丸工懼乞哀于曰無慮乃三射
三落其丸工無所傷亦神乎技矣時有督學使者過連倪
于以文武不屬又自謂定閩功高不出郊迎使者銜之適
漳州告警乃力薦於巡撫言倪才畧可任隨統師至漳歷
戰皆捷乘勝深入忽中伏衝突不脫全師沒於臭泥港帳
前材武無一倖免者

明林隼崖金知河池州時以易經承聘分校焚香誓得奇
士及閱卷畢過詩房見有卷擲地拾讀之大驚曰天下才
也詩房戲曰果爾公盍收焉林遂越格力薦得列高科及

揭榜爲劉思問卷也劉入謝詩房曰我非子師知子者易
房林先生也引見甚歡劉是科果捷禮闈萬曆間來撫閩
而林已謝世劉訪其後裔相對輒泣選舟至閩安鎮臨江
望祭厚恤其家一時都人士謂林之藻鑑與劉之厚誼稱
兩絕云

中丞鄒公維璉初爲建寧司李己酉分闈校士擬一元卷
亟薦之主者欲列第二公執不可主者難之公恚曰以此
才抑魁列不如無取寧以待後之知者竟置之揭曉後知
爲連江陳昌東卷也陳後屢試不第公亦內名忤魏璫削

連江縣志

卷之三

雜事

四

職及璫敗公起撫閩巡海至連諸屬官叅畢公忽目司教
曰庠友陳昌東無恙乎司教愕然以居鄉對公卽手書取
至陳實不解何故時窮老樵悴公望見遽出座執手垂涕
曰本院誤子因談己酉事行師弟禮留宿置酒盡歡贈數
百金以還

是科玉融薛公耀先是設教連江試出明日閱陳卷畢大
呼曰此當作元陳曰先生亦有以自負乎薛曰吾名在七
八之間陳又問連友中當別有售否薛指陳晦文曰此可
榜末揭曉薛果第八二陳一以爭元一以註誤俱呈堂而

罷一時文字確有定價如此

趙均字槩教諭華亭時中丞沈猶龍爲諸生貧不自立趙常分俸資之尤雅意獎勵後沈貴顯巡撫閩疆趙已久逝特至連拜墓厚恤其家此與林焦崖於劉中丞事差近二者皆稱知人而趙身居冷局慷慨行義尤人所難者李肖山士文幼夢至一所題曰烏臺覺以問師師曰烏臺風憲地也子其勉之後李觀察兩浙署中有石壁蘿薜蒙茸一日命徒剗闢之見烏臺二字宛然嘆曰吾祿壽止此矣乃乞身歸歸數年果卒

連江縣志

卷之十三

雜事

三

陳若陶儉少年治草園中有術者隔離望見之笑謂曰七品郎官治草耶招使近熟視其手嘆曰惜財薄耳陳曰吾自淡於財後令荔浦六載罷歸囊橐蕭然授徒自給一生祿命竟定於園中兩言

陳季實穀辛巳鍛羽出郭有感懷詩云破硯焚六經終歸雲路去後以明經授饒州德興訓其弟一齋自金陵來視挈有六經正文請校定貯篋中丙午三月忽燄發於篋六經盡焚端午書謁節帖石硯戛然裂爲兩穀忽憶前詩愕然曰豈非其讖耶六月入饒送試館於邸無疾而逝

天崇間人才稱盛而邱際可孫輝尤一時之最龍塘董公應舉評邱曰單刀直入孫曰精金百鍊嘗謂其必售已而皆扼於遇已酉秋試畢諸生多以文質於董公公獨擊節孫輝卷適林清海先生入座清海董門下士也問公門友孰當雋者公曰他不能知若第一人必孫輝耳清海取文觀之徐曰文誠佳然聲光太斂程矣非元也出語人曰敝師過予吾恐此君方有壽命憂及見黜輝聞姑計哭之慟歸而隨卒際可初生母夢朱衣人入室又有一衣綠者撿劍追之迨明末際可以次膺貢

連江縣志

卷之十三

雜事

四

國初大師定連有將弁寓其家窘辱之迫可負氣不屈遂遇害蓋數之前定云

王十竹善於屬對少時遊小亭或試之云天旱池枯鯉也死伯魚也死答曰霜嚴草萎牛之憂司馬之憂復試之應對如流莫不穎絕

龍塘董公嘗與陳一齋季立友善而議論不相下號爲罵友其祭季立文云遍交宇宙無兩一齋自信生平無兩罵友今罵不可得聞矣人之云亡如割我體當季立病亟董嘗有詩曰平生好爭論好友輒相罵及其疾病時皇皇憂

日夜如割一半身如屋崩其瓦百物皆可求好友難再假
久交如薰蘭乍交如佩麝麝性豈不烈終不如蘭化吁嗟
陳一齋使我食不暇

一齋少豪宕自喜生平無憂色嘗與沈叅戎有容浮黑水
擊倭風濤掀天檣摧柁折舟膠沃礁須臾欲碎人皆失色
獨撫髀作歌曰水亦陸乎舟亦屋乎與其歸於牖之下山
之窟乎何擇於江之中魚之腹乎歌數闕大笑不止須臾
風息人服其雅量

一齋之疾革也索筆書遺戒言治喪事禮嚴以約最後書

連江縣志

卷之十三

雜事

哭

句云達道惟五不朽惟三矻矻孜孜生未逮述經有四遊
州有八瀟瀟灑灑死何求又云身去神遊獨駕蓬萊萬里
人亡道在相知今古一堂投筆而逝

陳東山坦與其弟址並有詩名嘗合刻春草集以傳坦詩
存者寥寥如拜東坡先生廟云低頭下拜東坡像展眼頻
看北斗標不厭瘴鄉生白髮獨憐天下哭青苗閒雲野外
橫孤鶴明月舟頭憶洞簫幾度登臨重懷古天風吹送海
門潮其五言如古木支殘照寒鴉帶遠吟漢水舟移月巴
山路入雲絕句如送人云江上春風漲綠波客中送客意

如何垂楊亂葉絲絲雨不及離情一半多
途人之廣云江雲歲晚不堪愁
鸚鵡洲寒鬢欲秋留著梅花莫開盡
爲君吹玉過南州
舍咀皆有深致

林徵材字魯生博雅士也籍諸生久不第以例貢拜幕職而詩調清新絕句尤工咏竹云淇園秋老綠筠寒九月霜多紫籜殘記得瀟湘明月夜數枝清影捲簾看重過田公園云門巷春深碧草齊花枝大半委黃泥林鶯認得尊前客依舊飛來恰恰啼無題舊年曾醉小樓西多少桃花襯馬蹄今日重來湘水上蕭蕭風雨竹枝低觀妓云點玉明

連江縣志

卷之十三

雜事

四

金相映輝斜紅淺黛六銖衣桃花扇底聲初度樓外春雲澹不飛又云雲染鴉鬢翠染眉春愁無主却如癡一聲檀板鶯喉澁正是周郎欲顧時隔簾妓云疎簾掩映影微微從此蕭郎見也稀一片湘雲飛不去當時錯認美人衣咏漁婦詩半空秋水浸晴霞屬玉飛來貼淺沙隔岸蓼花紅皎皎輕舸不動是儂家溪行云千尺丹厓葉葉秋天空霜白壓扁舟耳邊水響停杯看前面灘高月亂流律詩多警句不能盡錄也

舊傳三山吟社一日讌集相與題太真醉酒圖得二句云

雲鬟半挽玉山頽疑是昭陽侍宴回
遂閣筆沈思久不就
有客睨其旁因續云醉倒百花猶未醒
漁陽鼙鼓動天來
吟社大加嘆賞問之爲連江陳學海其字滙川云

錢虞山列朝詩選中有吳秀才傳云吳尚瓚字亦山後更名贊字助卿連江人吳司馬桂芳之從弟以家難挾重貲寓金陵久之貧落而歸與其鄉林古度善每作詩必相商訂而後具藁詩多散逸不存其佳句云片雨欺貧病浮雲薄世情情意悲涼殊可誦也按古度福清人自其父初文僑寓金陵父子兄弟皆有詩名秀才以同鄉與爲友善其連江縣志

卷之十三

雜事

辛

爲連人可知第所稱吳司馬初不名桂芳而虞山云然者或亦忽然未之加檢耶

邱榮豸字君輝傳爲小壤人嘗居一小舟以漁釣爲事有隱居作云四十頭顱尚未皤奇書好著寄巖阿滄江本可長垂釣拙匠何妨老補鍋惜尾雄雞甘自斷凌空獨鶴孰能羅客來若話紅塵事宅有松風剪拂多玩詩意似有託而逃者所著有錦江集咏梅律詩如日暖閒消霜萬點影疎還漏月三更縱經狂雨香猶在獨立遙天色亦空鴈字如雨飄短翮毫猶潤雪滿枯翎墨未濃沙中失侶文方闕

江上逢羣畫轉添數陣衝風章急就一行帶雨墨淋漓漢
臣傳信非題帛天女迴文不用機皆爲工雋之句

莆田周公如磐未第時貧不自給浪跡至連讀書龍興觀
以磁器煨粥自期公輔諸同學輕儇者多戲侮之周怡然
不校一日有老狐匿閣上雷震急諸生皆恐先後出立庭
階周坐閣中不爲動雷震益急衆共詬之乃出不數武已
擊狐斃地矣每共出行諸生爭趨小徑周曰我朝廷倚賴
之臣不可夫人卒於家計喪費外惟餘一銅鑰遺之周撫
以泣曰吾會當有以報汝今已矣已而果第官內閣向劇

連江縣志

卷之十三

雜事

五

侮之者亦援例欲謁選愧不敢往竟失美程

石田和尚會稽人精通內藏思宗嘗召入禁中問成佛宗
旨對曰陛下治世自有帝王道法佛教特臣等自善其身
耳思宗悚然重其言留半歲辭歸甲申聞國變號哭誓不
與逆闖同天糾合義旅興復屢著戰功及唐王入閩策杖
從之拜護國禪師賜紫衣金印後依益王據連江

王師至遂退隱琅琦白雲山已又結茅週溪白鼻巖麓今
爲伏虎菴和尚頗喜吟詩衝口而出大抵如權龍褒而常
寓慷慨其咏歸燕云陽春轉時和風起燕子歸來梁上語

天涯多少未歸人見汝來時淚如雨詩多類此殆非空門中人語也

尼性戒少名阿霖吳質之女質明末諸生國變後破家倡義事敗死之無子其妻林氏潔身爲尼霖嫁於游早寡遂削髮從母歸空門嘗遍覓父骸不得慟哭而返盡籍父遺田泣請宗人求耐於家廟至今無廢祀論者以爲非獨質義也其妻之節女之孝亦皆不辱云

乞兒孫軟二幼失父其母改適無依因行乞於市得甘旨必持以奉母又忍飢繭積囊頗羨念繼父貧竟迎母歸養

連江縣志

卷之十三

雜事

五三

備具服物率羣輩稱觴歡舞爲娛嘗交一友甚眷之一日忽反面加二以不堪衆憤欲爲訴於官二曲爲請曰彼與二戲耳且交誼何在幸寬以全二友乃釋焉嗟乎二初集蓼毋卽改志致二無依行乞友受二惠忍於背二兩事皆人所不能堪者二獨孝義曲盡如此誰謂鄙賤所爲不士大夫若也

陳元登小品文字多談諧微冷嘗爲人作血盆會小引畧云今以養子莫苦於臨盆受辜莫冤於浴血想閻羅亦受生於父母旣已同有身之始而陰陽必化育乎男女何爲

設無罪之刑雖佛經度世之說未之或知能明質人難幽
質鬼在人子愛親之心無所不至寧信其有不辨其無又
爲普慶誦經引畧云夫了生死一身事耳至於幽爲鬼明
爲人導師願力如許宏鉅藉使鐵圍山中有一未空三千
大千或阻寶筏如此導師作何津引且孟蘭之施在於七
月彼月前後鬼於何餒而彼終歲得一月飽是月前後無
救於餒是何以故况誦經文必了其義潔其念慮方受厥
果今使導師致潔主人瀕濁猶之甲在沈疴乙代飲藥必
無痊理乙事遊戲令甲讀書不入乙腹更作何解然而廣

連江縣志

卷之十三

雜事

三

修善事者一絲一粒證明不爽不躬誦懺而有善因余反
覆思之亦証之以心而已以此啓蒙雖聾聵可振
覆釜之山有羣鷺巢其上一日山下起巨蛇長丈餘擊鷺
所巢有斃者羣駭而飛噪以俱東見者疑爲別徙矣旦日
見羣鷺邀大鷺至周環下視近巨蛇將俯而搏之蛇驟擊
以尾大鷺折翼東逝羣鷺長鳴從之去越數日復羣擁一
鷺狀如野鶴縞衣長矛橫江東來及故巢遽趨巨蛇抉其
目蛇創甚自山巔墜江鷺復從而斃之乃去諸小鷺噪聲
動天相率送之海外旣而仍巢其所焉鷺微物也斃其一

而衆爲圖報歷海外再三必伸所志不亦情摯而氣壯哉
此康熙中事水南諸生趙克敏嘗述之

連深山中有異種者曰畚民五溪槃瓠之後也按桂海虞
衡謂之獠先是生於廣之西南自爲區落其壤接廣右者
靜江之興安義寧古縣融州之融水懷遠縣界皆有之不
知何時而連羅間多有是種蓋上游諸郡所無也其民短
衫跣足婦人高髻蒙布加飾如瓔珞狀亦跣而雜作不供
征役以其遠近爲伍性多淳樸亦受民田以耕謂平民曰
百姓

連江縣志

卷之十三

雜事

五

